



~~14, 884.~~


Wf. 6734.

Biblioteka Jagiellońska



stdr0012052

Wf 6734 (P1-5)



2
DISSERTATIO HISTORICA
DE
HOLMGARDIA,

Cujus
PARTEM SECUNDAM,
CONSENTIENTE AMPLISSIMO SENATU PHILOS.
IN REGIA ACADEMIA ABOËNSI,
PUBLICO EXAMINI SUBJICIUNT.

**JOHANNES
BILMARK,**

FACULT. PHIL. ADJUNCTUS,

ET
JOHANNES MOLIN,


V. D. M.

WIBURGENSIS,

DIE IX. MAJI ANNI MDCCLIX,

L. H. Q. A. M. C.

ABOÆ, Impressit DIRECT. & TYPOGR. Reg. Magn. Duc.
Finland. JACOB MERCKELL.



S:Æ R:Æ M:TIS
AD SUMMÆ FIDEI VIRO,
Illustrissimo & Excellentissimo
HEROI ac LIBERO BARONI,
D. CAROLO
FREDERICO
SCHAEFFER,
REGIS Regnique Svio-Gothici SENATORI,
Regiæ Celsitudinis, PRINCIPIS Successoris,
nec non Reliquorum PRINCIPUM Hereditariorum
GUBERNATORI,
Regiorum Ordinum EQUITI ac COMMENDATORI,
MÆCENATI SUMMO.

ORBIS amor, Patriæ columen, nova gloria seclî;
Grande togæ lumen, Castalidumque decus.
Inclyta facta CUI meruerunt culmen honoris,
Virtutum radiis pluribus unde nites.

Pectore

Pectore nam TEcum seu regia dogmata volvas,
Omnibus ingenio crederis esse prior.
Seu clavum tractes, vel mundi seria libres,
Arbitrio, dicunt, cuncta subesse TUO.
Ergo perennantis Patriæ Divina salutis
Pignora sunt fidei credita jure TUE.
Ad TE, CELSE HEROS, latebris excita vetustis
Gens obscura venit jam trepidante gradu;
Nam TUA personuit terras sic fama remotas,
Ut cupiat fieri Nomine clara TUO.
Excipe eam facilis, sit nunc licet horrida cultu,
Et miti recipi non satis apta manu.
Dona simul Musæ vultu dignare sereno,
Quæ pietas jussit debita ferre TIBI.
Sic mihi nascetur rerum felicior ordo,
Quasque fovet messes sic mea Musa dabit.
Tempore quot verno gemmas nunc parturit arbos,
Et tepido promit gramina terra sinu;
Tot, rogo, percipias jucundæ commoda vitæ,
Quæ jam pro Patria subtrahis ipse TIBI!
Illustrissimæ Excellentiæ TUE

devotissimus cliens,
JOHANNES BILMARK.

1043331

Viro Admodum Reverendo atque Præclarissimo,
D^N. MAG. A R I O N I
L I M A T I O,


Præposito & Pastori Ecclesiæ, quæ DEO in Padas-
joki & Cuhmois colligitur, meritissimo, gravissimo,

PARENTI OPTIMO.

Adest quidem jam dies multis pridem expetita votis;
qua innumera Tua, Parens optime, in me collata
beneficia publice declarandi oportuna mihi suppedita-
tur occasio; sed desunt verba, desuntque vires, quibus
devotum tester adfectum. Quo igitur me vertam? Aut
quid Tibi rependam pro optima educatione, inter for-
tune bona primo loco ponenda? En dissertationem, quam,
proprio licet Marte non elaboratam, carissimo Tuo
nomini inscripsi, quamque in sinu Tuo cernuis jam
depono. Facilis, ut assoles, adspicias munusculum hoc
sola offerentis pietate æstimandum. Vale igitur, Pater
optime, cum matre carissima. Utrique autem vestrum,
prosperos successus, placidam senectam, & serum e
terris discessum ingenua & proluxa veneratione appre-
cor, voveoque

OPTIMI PARENTIS

Filius obedientissimus,
JOHANNES MOLIN.



I. N. 7.
Uemadmodum continuas rugas &
pertinaces nimis meditationes
non probant Musæ, hilares atque
ingenuas Gratias suo nunquam ex-
cludentes consortio; ita optimam
judicamus studiorum rationem,
qua cum seriis amœna subinde
conjunguntur, sine quo temperamento sensim perit
naturalis animi vigor ad progressus in litteris faci-
endos utilis maxime ac necessarius. Licet igitur
arduæ Mathematicæ & Physicæ scientiæ nobis in
deliciis præcipue fuerint; in illas tamen non ita in-
cubuimus, quin per lætos latosq; Historiæ, fidelissimæ
illius in vita recte instituenda magistræ (a), campos
exspatiari pridem consueverimus. Impensi autem
huic disciplinæ temporis aliquam reddituri rationem,
opellæ nostræ de *HOLMGARDIA*, quam multis ab-
hinc annis exorsi sumus, partem secundam in publi-
cam nunc emittimus lucem, serius quidem, quam
omnino par fuerat; quod tamen non socordia cui-
dam, quamvis

A

Paul-

*Paulum sepulta dislet inertia
Celata virtus (b);*

sed ingenti operis hujus difficultati potissimum erit tribuendum. Fuerunt quidem, jam inde a renatis litteris, ne longius regrediamur, præclari Viri, qui in exponendis *Holmgardie* antiquitatibus egregiam admodum collocarunt operam; nihilo tamen minus, ne quid dissimulemus, res gestæ Holmgardorum & pleraque fata ipsorum patriæ, quondam maxime inclytæ, tam obscura adhuc sunt, ut cimérias tenebras facilius dissipet, quam plenam in ista caligine accendas lucem (c). Nec his nebulis tollendis Moschovitarum sufficiunt annales. Pauca enim notatu digna isti habent; cujus defectus haud ultima censetur causa, quod, cum ceteri per Europam populi Eruditos ad elucubrandam patriæ suæ historiam propositis excitarent honoribus, Moschovitarum contra nemo per longum satis temporis intervallum ausus fuerit memorabilia hujus imperii exponere atque seris tradere nepotibus (d). In summa proinde domesticorum monumentorum inopia præcipuas, quas subiit Holmgardia, mutationes ex vicinarum gentium historiis collegimus. Inprimis vero quicquid in Scandicis occurrat annalibus, ad illustrandam Holmgardiam pertinens, oculo minime fugitivo sæpe perlustravimus, singulaque momenta, quæ ceteris notabilia videbantur, sollicitè expendimus. Tanti scilicet est, inter asperos montes, horridas silvas & uliginosas paludes, destructas arces ac funditus deleta, angusta quondam, Regum palata,

tia, quorum ne quidem fatiscientes amplius supersunt ruinæ, indagare, atque pristinum eorundem splendorem aliis ostendere. Tanti etiam est, egregia magnorum Principum facinora ex chartis situ ac tineis valde corrosis in apricum iterum producere atque immortalitati, quam meruerunt, commendare. Ex quibus omnibus patet, quod arduam adeo in nos suscepimus provinciam, ut in illa rite obeunda satis haberet cultissima quævis Musa, si partes suas foret tuitura, ne dicam exornatura. Merito itaque tenuis nostra veretur camœna, ne jejuna sua tractatio de dignitate nobilis hujus materiæ plurimum deroget. Profecto quisquis ingeniosas sententias, exquisitos elegantiarum Rhetoricarum colores vel profundas consiliorum causas, atque curiosas eventorum indagaciones lepide expositas unice venetur, hisce legendis parum voluptatis capiet; sed argutiarum tamen defectum compensabunt ex mutilatis fragmentis ambiguisque laciniis collecta factorum memorabilium sincera narratio atque auctorum fide dignissimorum adducta testimonia, quæ nobis totidem sunt pignora veritatum, quas adstruere & vindicare nitimur. Hæc de instituti ratione breviter erant præmittenda; Tu vero, Benevole Lector, de nostris studiis ex consveto Tuo in aliorum scripta animi adfectu candide judica.

(a) Il n'ya rien de si beau, ni de si utile, que l'histoire, lorsqu'elle est bien écrite. - Elle supplée à ce qui manque à l'expérience de chacun, qui est toujours extrêmement bornée. vid. *CLERICI Parrhasiana Tom. I. p. m. 131.*

A 2

(b) Vid.

(b) Vid. *HORATI Carminum Libr. IV. Od. IX. v. 29. & 30.*
 (c) Hinc caput hoc Historicum inter maxime ardua jure
 retulerunt Viri de antiquitatibus regnorum optime meriti, *JOH.*
DLUGOSSUS de NIEDZIELSKO in Historia Polonica Libr. 1. p. m.
23. fatetur, quod Auctorum varietas de origine Ruthenorum
 plus connubilet eandem, quam declaret. *Salomon NELIGÉ-*
BAUERUS a Cadano in Historia Rerum Polonicarum p. m. 2.
 quando, inquit, Russi Sarmatiam habitare coeperint & unde
 venerint, nomenque acceperint, nihil certi scitur. Denique
Cel. Henricus BRENNERUS in epistola sua ad Rev. Doct. Ericum
BENZELIUM, quæ annexa est Ejusdem notis ad seriem Principum
Iberia & Georgia post Moysen Armenum p. m. 106. ingenue fa-
 tetur, se ignorare, quinam populi ante Slavos vastas Russiæ
 regiones inhabitaverint. Hunc vero scrupulum partim in *dis-*
sertatione prima de Holmgardia §. §. 6. 7. 8. 9, quæ An. 1750
 sub præsidio *Cel. Profess. ac Biblioth. ALGOTHI SCARIN,* quem
 ceu Polyhistorum in Patria Phœnicem suspicimus, prodiit,
 dudum sustulimus, partim etiam in præsentē opere plenius
 tollemus. (d) Vid. *Nob. Phil. Joh. STRAHLENBERGI librum*
Das Nord und Ost-theil von Europa und Asien p. m. 196. Cui
 addas *Illustriss. THUANUM in Historiarum libr. XXI. ad An.*
MDLIX.

§. XIII.

Celebritatis regni Holmgardici certius nullum
 est argumentum, quam diversa nomina, qui-
 bus a variis insignitum fuit gentibus. Quasdam
 harum adpellationum, ut *GARDARICIÆ, OSTER-*
GARDIÆ (a), AUSTURWEGIÆ (b), OSTWENDIÆ,
HOLMGARDIÆ atque *ULMERUGIÆ* dudum evol-
 vimus, quæ adhuc supersunt haud pauciores, jam
 a nobis brevissime, quantum fieri potest, sunt ex-
 cutien-

cutiendæ. Quemadmodum igitur omnes ferme po-
 pulos, septentrionales orbis regiones incolentes, *SCY-*
THAS vocarunt antiquissimi Græcorum ac Roma-
 norum Scriptores; ita non est dubitandum, quin
 Holmgardi etiam hoc nomine olim fuerint com-
 prehensi. Terra enim, quam inhabitaverunt Scythæ,
 qui in Europam migraverant, per octo menses vim
 frigoris penè intolerabilem perferebat (c); quæ cœ-
 li asperitas, nescio, an in aliam terram magis
 quadræt, quam in Holmgardiam. Abundabat præ-
 terea hæc Scythia animalibus, quæ alibi, quam in
 borealibus Finlandiæ & Holmgardiæ provinciis
 ægrè reperiuntur (d). Porro non solum mare Gar-
 dariciam alluens, *Scythicum* cognomen longo post
 tempore retinuit (e), & regiones Holmgardiæ intra
Scythiam sitæ perhibentur (f); sed etiam Historici fi-
 de digni nostram sententiam egregie confirmant (g).
 Quare, cum *OVIDIUS* a *Tomo* septentrionem ver-
 sus *Bosporum, Tanaim* & tandem *Scythicas Paludes*
 occurrere canit (h); à veri certe specie non abhor-
 ret, lacus Holmgardiæ, *Saimen*, scilicet, *Ladogam,*
Peipum & *Onegam*, ab ipso indigitari. Quid? quod,
 post ingentes rerum in Holmgardia conversiones,
Scythica adpellatio apud populos maxime boreales
 nondum penitus obsoleverit. Simples enim *Ostia-*
ki, Holmgardorum nepotes, referunt Majores suos
TSCHUT dictos fuisse (i), quod cum nomine, de
 quo jam disquiritur, adprime convenit. Natales
 denique *Scythici* nominis haud opus est, ut in per-
 egrinis lingvis quæramus: Gothicum enim illud est,
 descen-

descendens a SKYTT sagittario, unde SKJUTA jaculari (k); quod toti genti imposuerunt alii, admirabilem ipsorum in jaculando artem cernentes, Sagittariosque ab ipsis Scythas dici audientes. Hinc a Fennis nostris, Livonis, aliisque, Sagittarius nuncupatur SKYTTA, Kytta seu Kytt (l).

(a) Sicut nomina Gothica ore Græco & Romano, ipsis latentibus, minus commode exprimi potuerunt; ita Ostergardia varie fuit inflexa. PTOLOMEO Ottorocora, AGATHIÆ Uligora, PROCOPIO Uttergoria, ADAMO BREMENSI in libro de situ Daniae &c. p. m. 58. Edit. Erpoldi LINDENBROGII Ostrogard RUZZIÆ, atque aliis Scriptoribus modo Ottowera, modo Ottorgora dicitur. Alandi adhuc Finlandiam, ulterioresque ad orientalem plagam sitas regiones Osterlandiam sæpe adpellant. (b) Hinc Holmgardiæ Rex VISIWALDUS Austurwegs Kongr h. e. Austurwegiæ Rex salutatur, vid. ODDI MUNCHS Histor. om Olof Tryggvasson Cap. XXIII. p. m. 112. Præterea vero Austurwegiâ interdum Mare Balticum, interdum quævis Orientalis terra significabatur. Proinde in Pislavotta Sagur seu Historia Martyrum legimus: their haufdu sied hans stior nu i Austurwegnum, h. e. Viderunt (Magi scil. apud Evangelistam) stellam Ejus in oriente. (c) HERODOTI Mel.

pomene p. m. 145. Δυσχεύμερον δὲ αὐτῇ ἡ κατὰ τὴν θείαν πᾶσι χάριν ἔγω δὴ τοι εἶμι ἐνθάδε μέν οἱ τῶν μινῶν ἀφ᾽ ἡμέτερον. (d) HERODOTI Mel. p. m. 162. Ἐν δὲ ταύτῃ ἐνδύουσιν ἀλίσκοιται, καὶ κάσπερες καὶ ἄλλα πρὸς τὴν παραγωγὴν σκώπων, τῶν τε δερμάτων περὶ τοὺς σκύτους παρασκευάζονται. (e) Sinus quidam ab occidentali Oceano versus orientem porrigitur, qui ab incolis adpellatur Balticus, itemque Mare Barbarum seu Pelagus Scythicum vid. ADAMUM Brem. libr. cit. p. m. 57. Adde Radevicium FRISIUM in Descriptione Polo-

niae libr. I. Cap. I. p. m. 261. Atque ERICUM Upsaliensem in Historia Suecana libr. I. p. m. 10. (f) Matthias a MIECHOVIA in Descriptione Moschovia p. m. 207. testatur Juhram & Corelam (Careliam) esse in Scythia. (g) Vid. STUR-LONIDIS Heimskringla Tom. I. p. m. I. (h) Tristium Libr. III. Eleg. IV. v. 49. & 50.

Bosporus & Tanais superant, Scythicaque Paludes.

Vixque satis noti nomina pauca loci.

(i) Vid. Joh. Bernh. von MULLERN in libro: Das Leben und Gewonheiten Der Ostiaken Cap. III. §. 2. (k) Alii ut præcipuorum nominum sive Hebræam sive Græcam crepant originem, ita Scythas vel ab Hebr. שׂוּת discurrere, vagari, unde cum in Sacro Codice Israëlita in deserto errantes dicuntur, Biblia Slavonica habent Schitatisia, quod significat Scytharum more vagari, vel etiam வாழ் தோழை இரட்சி adpellatos fuisse existimant. Hos autem Auctores suo abundare sensu permittimus. (l) Vid. Dissert. T. S. BATERI de Origine Scytharum insertam Act. Petropolitan. Tom. I. p. m. 391.

§. XIV.

Inter Scytharum progenies haud ultimo loco ponendi sunt SARMATÆ, Græcis ΣΑΤΡΟΜΑΤΑΙ dicti, qui genus paternum ad Scythas, maternum vero ad Amazonas referebant (a), quarum militaria studia Sarmatarum feminae diu æmulabantur (b). Nomen Sarmatarum omnino Gothicum est, ortum ex SAR quod Dominum & MADUR virum denotat, proindeque Sarmadur vel Sarmata convenit cum Goth. Herreman, Domino (c). Scilicet quantum ex vetustis colligere licet Scriptoribus, Juvenes illi, cum qui-

quibus confvescere solebant Amazones, ex genere *Regiorum Scytharum* (d) fuerunt, qui libertatem suam tanti fecerunt, ut audito solo servitutis nomine ira excanduerint (e). Vagi admodum erant *Sarmatae*, quamobrem in diversis illos offendimus terris. Solum ipsis natale in confiniis Europæ & Asiæ fuit (f); hinc porro digressi in Europæas regiones magis magisque penetrarunt, adeo ut sec. I. Moschorum fuerint vicini (g); post quod tempus per Orientalem Europæ partem Septentrionem versus sese extenderunt, in littoribus Sinus Venedici (h) atque Maris Baltici, quod propterea *Sarmaticum* est dictum (i), confedentes.

(a) Vid. HERODOTI Melp. p. m. 162. (b) Confr. HERODOTI Melp. p. m. 163. καὶ διάλῃ ἀπὸ τῆς ἑσπερίας τῆς παλαιῆς τῶν Σαυρομαθίων αἱ γυναῖκες, καὶ ἐπὶ θήρων ἐπὶ ἰσχυρῶν ἐκφοῖσσι ἅμα τοῖσι ἀνδράσι, καὶ χωρὶς τῶν ἀνδρῶν καὶ ἐς πόλεμον φοῖσσι. STRABO in Geographia Libr. III. Cap. II. Ἀμάζονας Σαυρομαθίωνας prædicat. Et POM-
PONIUS MELA de Situ Orbis Libr. III. Cap. IV. de Sarmatarum feminis memoria hæc prodit: Arcus tendere, equitare, venari puellaria pensa sunt; ferire hostem adularum stipendium est. (c) *Sarmatarum* nomen deducunt nonnulli a Fennicis vocabulis *Suori* Magno & *Ma* terra; adeoque *Saurima* & *Sarmatia* significarent *Russiam magnam*, quæ tamen opinio minus est probabilis, cum *Sarmatae* ab initio haud ita magnam terram tenuerint. Incunabula vocis quærunt alii in Goth. *Saur* vel *Soer austro* & *Madur Viro*, adeo ut per *Sarmatas* indigentur populi Australes. Vid. STRAHLENBERG L. c. p. m. 163. (d) Vid. HERODOTI Melp. p. m. 144. ubi Regii *Scythæ* vocantur Σκύθαι οἱ ἄριστοί τε καὶ πλείστοι, qui ceteros *Scythas* pro servis habebant. (e) HERODOT. C. CXXVIII. οἱ Σκυ-
θίων

θίων βασιλεὺς ἀνέσταντες τῆς δελοσύης τὸ ὄνομα, ὁρῆς ἐπὶ λή-
θου. (f) Vid. HERODOT. p. m. 162. (g) Vid. LUCANI
Pharsal. Libr. III. v. 270.

Sævisque affinis *SARMATA MOSCHIS.*

(h) Hinc PTOLOMÆUS in Geograph. Libr. III. Cap. V, adserit *Sarmatiae* gentes Venedas tenere omnem oram Sinus Venedici, quæ nunc habitatur a Borussis, Curlandis, Samogitis & Livonis. Adde Martini CROMERI *Chronicon de Origine & Rebus gestis Polonorum Libr. I. Cap. 9. & 13.* (i) Conf. Pauli JOVII Novocomensis *librum de Legatione Moschovitarum p. m. 122.*

§. XV.

Natales *SLAVICI* nominis a Goth. *SLAF* (*Servo*) multi quidem Auctores, licet minus commode, repetunt (a); vix enim uspiam inventa est natio, quæ tantam jactavit nobilitatem & fortitudinem, atque hæc (b). Propius igitur ad veritatem accedunt, qui nomen hoc derivant a *Slawá*, quod lingua horum populorum gloriam (c) significat; unde porro *Slawaki* nobilem ac illustrem denotat. Græcis ΣΚΛΑΒΟΙ & ΣΚΛΑΒΙΝΙΟΙ & Italis hodiernis *Schiavones* audiunt (d). Scilicet postquam hi Scytharum nepotes plurimas regiones, quæ in occidentem & septentrionem latissime patent, victribus signis peragraverant, ob multa eademque Heroica facinora *Slavos* i. e. rerum gestarum gloria illustres sese adpellari voluerunt (e); adeoque nomen hoc ab initio non fuit proprium, sed adpellativum. Confirmatur autem inde nostra sententia, partim quod nomen hoc apud Scriptores seculo quinto priores non occurrat (f); partim etiam,

iam, quod prolixam Regibus suis exhibitori reverentiam, nominibus ipsorum vocabulum *Slavos* vel *Slavus* suffixerint, quo eminentiam ejus, minime vero statum quendam servilem indicarunt. Quod denique sedes *Slavorum* attinet, pars illorum in Polonia & Germania substitit, alia autem longius progressa per Holmgardiam ad Mare Balticum & Sinum Venedicum sese extendit; a quo tempore Holmgardi *Slavorum* nomine in annalibus haud raro fuerunt insigniti (g).

(a) Vid. BJÖRNERI *Schediasma de Varegis* p. m. 138. & seqq. (b) Nullam gentem *Slavis* esse honestiorem fatebatur olim, qui res ipsorum gestas consignavit, HELMOLDUS in *Chronico Slavico*. (c) Confr. Pauli PIASECII *Chronicon rerum Polonicarum* p. m. 55. Cui addatur Aegid. FLETCHER *the History of Russia* Cap. 13. (d) Vid. Rev. Doct. G. WALLINI *Parentalia in obitum J. G. SPARIVENFELDII* p. m. 24. (e) Vid. CROMERI *libr. cit. Cap. VII*. (f) PROCOPIUS primus omnium censetur, qui in *Historia Gothica*, nomen *Slavicum* adhibuit, ante quod ævum hi populi vulgo dicebantur *Venedi* & *Vinidi*. Quamobrem SCHURZFLEISCHIIUS in *Historia regni populi Burgundionum* p. m. 4. fatetur nomen *Slavorum* ante tempora Franco-Merovingorum nusquam legi. (g) Sigismundus liber Baro in HERBERSTEIN in *Commentario rerum Moschevitarum* p. m. 1. narrat, Ruthenos sponte fateri se *Slavos* esse. CROMERIUS in *Hist. Libr. 1. Cap. 9. & 13*. luculenter ostendit, Venedos, Slavos & Sarmatas unam eandemque gentem olim constituisse; atque SCHURZFLEISCHIIUS in *dissertat. de Rebus Slavicis* p. m. 3. monet, quod Gregorius ABULPHARAGIUS Slaviam & Sarmatiam conjungat; unde porro concludit, illa Alaniam, *Russiam* & Bulgariam comprehendi. Nec denique nostræ sententiæ

ita

ita adversatur CONSTANTINUS PORPHYROGENITUS, Imperator idem & Philosophus, ut nobis conciliari omnino nequeat. Ipsi quidem in *libro de Administrando imperio* Cap. IX. p. m. 15. dicuntur *Σκλάβοι οἱ παλαιῶν τῶν Ρώμης*; sed nisi admodum fallimur, illi hic indignantur Slavi, qui Poloniam occupaverant.

§. XVI.

SI conjecturas omnes de origine nominum MOSCHORUM & RUTHENORUM adduceremus, loquacem prius delassaremus Fabium, quam exitum orationis inveniremus. Pauca igitur, eaque quæ nostro maxime convenient instituto, jam proferemus. Tempore Darii Hytaspis *Moschi* seu *Moschovite* in Ponticis habitabant terris, Regique Persarum annua penderunt tributa (a). Deinde ex Asia in Europam migrarunt, atque proximis post C. N. seculis in confiniis Hungariæ, Poloniæ & Holmgardiæ vagabundi ipsorum penates brevem obtinuerunt requiem (b). Tandem australes Holmgardiæ provincias occuparunt; quo nomen Moschoviæ huic imperio, licet serius (c), fuit impositum. Ruthenos porro primum offendimus ad Araxem fluvium, ab Arabibus *Rhos* dictum, unde Russici nominis natales quidam repetunt; quos tamen alii a *Rosseja*, quod gentem dispersam & vagam significat, potiori jure deducunt (d). Transmisso Araxe, cum *Rhoss* Tauricam sibi subjecissent, illa pariter *Rhos* vocari cœpit (e). Hinc denique egressi ad Sinum usque Venedicum perrexerunt,

xerunt; atque Finnorum & Alanorum sedes inundarunt; quo factum est, ut *Rossphinnorum* (f) & *Rboxalanorum* seu *Rboxolanorum* mentio in annalibus passim habeatur (g).

(a) Vid. *HERODOTI* *Ibal.* p. m. 127. *Μόσχοισι* ἦ, καὶ *Τιβερινοῖσι* καὶ *Μάκροισι* καὶ *Μοσυνόκοισι* καὶ *Μάρδοισι* *Ῥηνίοισι* *πύλαι* *πρωτόν*. (b) *Sidonius APOLLINARIS* in *Panegyrico Majoriani* v. 478. & seqq.

Nam quicquid languidus axis,
Cardine Sithonio sub Parrhase parturit urfa,
Hoc totum tua signa pavet. Bastera, Suëvus,
Pannonius, Neurus, Chunus, Geta, Dacus, Alanus;
Bellonothus, Rugus, Burgundio, Vesus, Alites,
Bisalta, Ostrogothus, Procrustes, Sarmata, MOSCHUS,
Post aquilas venere Tuas.

(c) Vid. *Paul.* *JOVII* *Libr. cit.* p. m. 121. (d) Confr. *HERBERSTEINI* *Libr. cit.* p. m. 1. (e) Videat. *IZETZES* in *Chiliadibus Historicis*. (f) Vid. *PTOLOMÆI* *Geograph. Libr. III. Cap. 9.* (g) Confr. *VOPISCUS* in *Aureliano* *Cap. 33.*

§. XVII.

GRÆCIÆ quoque nomine olim insignitam fuisse Holmgardiam, itinera a Majoribus nostris illuc suscepta satis ostendunt. Perhibent enim annales, quod classes e portu *Sliarwig* partim in Slavaniam, partim in Svethiam, partim in Semlandiam & usque in *Græciam* quondam fuerint emissæ (a). Si vero præternavigemus Semlandiam, cursum in orientem dirigentes, in Sinum pervenimus Venedicum, atque iter hoc maritimum continuantes sine ullo Palinuro in Holmgardiam delabimur;

bimur; quæ proinde inter ceteras adpellationes *Græcia* a nostris dicta fuit. Legimus porro in vetustis scriptis, quod Mare Rutzenum breve brachium in *Græciam* extendat (b). Cum igitur Mare Rutzenum sit Mare Balticum, brachium, quod exserit, erit Sinus Venedicus; adeoque *Græcia*, quam extrema hujus ora radit, erit Holmgardia. Quid? Quod Sveones in Gardariciam profecti, in *Græciam* sese contulisse non raro memorentur. Denique non tantum *Kiovia*, Holmgardiæ civitas, amplissimum *Græciæ* decus salutatur (c); verum etiam *Julinum* habitari dicitur a Barbaris, Slavus & *Græcis* (d); quo nomine *Argivi* tanto minus indignantur, quod nullo idoneo constet argumento, hos unquam colonias in Pomeraniam misisse. *Græcia* autem adpellata fuit hæc terra, vel quod *Græcam* cives profiterentur religionem (e); vel forte nomen hoc nimis celeri *Gardariciæ* pronuntiationi originem debet. Hinc tamen minime consequitur, Scandinaviæ populos ante secul. XI, ut nonnulli existimant, ad *Dorica* non adpulisse littora. Ductu enim Regis *SVEGDERI* ad urbem *Asgard* & hinc in *Græciam* penetrarunt Gothi (f); atque postmodum ex mare *Ægeo* (*Girkahaf*) immensas secum opes in Septentrionem reportarunt (g). Ex annalibus porro constat, partim quod Holmgardi, qui nihil fere egregii prisco ævo sine socia Sveconum ope præstiterunt, circa finem seculi IX Constantinopolin sese contulerint (h), partim etiam, quod multi Sveonum, qui *WALDEMARO*,
B 3 Holm-

Holmgardiæ Regi, in auxilium missi erant, expeditionem in Græciam circa medium secul. X susceperint, ubi ab Imperatore CPLitano per urbes dispersi fuerunt, ne nova molirentur (i). Paulo post **OLAUFUS TRIGGONIDES**, postquam multa fortitudinis documenta in Holmgardia edidisset, in Græciam abiit, indeque circa A. 983 (k) reversus, a suis **OLAUFUS GRÆCUS** (*Oli bin Girske* l) nuncupatus fuit. Plura argumenta scientes præterimus.

- (a) Vid. **ADAMI BREM.** *Libr. de situ Dan.* p. m. 56.
 (b) Vid. *Incerti Auctoris Chronicon Schlawonicum adnexum cit. Adami Br. Operi Cap. II.* (c) Vid. infra §. XXVII. (d) Vid. **ADAMI Br. Histor. Eccl. Libr. II.** p. m. 19., „Julinum est maxima urbs omnium, quas Europa claudit, civitatum, quam incolunt Slavi cum aliis gentibus *Græcis* & Barbaris.,,
 (e) Vid. **SCHURZFLEISCHII** *Dissert. de Stephano RAZIN &c.* p. m. 4. (f) Confr. **Job. PERINGSKJÖLDII** *Årtatal* p. m. 9.
 (g) Vid. **HERRAUDI & BOSÆ** *Hist.* p. m. 33, qui ambo illustres viri circa initium sec. VIII vixerunt. **OSTENIS** etiam, huiusque filius **HALFDANUS**, Norwagiæ Principes, eodem seculo piraticam late exercuerunt tam in occidentali Asiæ parte & *Græcia*, quam per *Blalandiam* & *Morlandiam*. Vid. **HALFDANI Ostenidis Hist. Cap. II.** p. m. 3. (h) Vid. **CONST. PORPHYR.** *Libr. cit.* p. m. 15. (i) Confr. **Act. Petropolit. Tom. IV.** p. m. 304 & 305. Immo **Job. CINNAMUS** ipse Græcus & Græcarum Litterarum peritissimus in *Histor. Libr. I.* disertè adfirmat, *Varingos* Gothicos diu ante seculum XI in Græcia apud Imperatores CPLitanos stipendia meruisse.
 (k) Vid. *citat.* **ODDI MUNCKS** *Histor. p. m. 42.* collat. cum **OERNHJELMI** *Histor. Eccl. p. m. 597.* (l) Confr. **STUR-LONIDIS** *Tom. I.* p. m. 237.

§. XVIII.

§. XVIII.

DROMITÆ porro, Græcis **APOMITAL**, nonnquam dicti fuerunt Holmgardiæ cives (a); cujus adpellationis origo arcessenda videtur non tam à *τὸ δῶμα* *deus cursu*, quam potius à vocabulis Goth. *Dromund* & *Droman*, quibus olim indigabantur remiges, naves celerrime impellentes (b). Præterea **SPORI** quoque subinde vocati fuerunt *Gardariciani* (c); quod nomen quoad significationem adprime convenit cum Slavonico *Rhossi*, utrumque scil. *gentem dispersam* denotat (d). Sicut enim *Spori* primum dicti fuerunt, qui in dispersis Maris Carpathii insulis habitabant (e); ita idem nomen ad populum, raras *Archipelagi Saimitici* insulas tenentem, haud incommode sequenti tempore fuit translatum (f).

- (a) Videatur **Simeon LOGOTHETA** in *Annalibus Imperatoris Constantini Porphyrogeniti Cap. XLVI.* Οἱ τὰς οἰκίας ἀπομῖται λεγόμενοι, οἱ ἐκ τῆς τῆς Φεγγῶν ἑλτες, h. e. Russi, qui etiam *Dromite* dicuntur, ex genere Francorum. Aliam vero gentem, quam Holmgardos, per *Dromitas* hoc loco indigitari existimat **Christian. SCHOETIGENIUS** in *Dissert. de Russorum Synonymis* p. m. 6, hoc nixus fundamento, quod Rutheni ad Francos referri nequeant. Sed in memoriam sibi non revocasse videtur, Vir alioquin acutissimus, quod late adeo patuerit olim Francorum nomen, ut quisque ab Europa veniens a Græcis quondam, sicut hodie a Turcis, ceterisque Asiaticis gentibus *Effrengi* seu *Francus* diceretur, vid. **BAYER** in *Actis Petropol. Tom. IV.* p. m. 294. (b) Vid. **J. PERINGSKJÖLDII** *Notas ad vitam Theodorici* p. m. 163. Erant autem *Dromones*, Goth. *Dromar*, naves subduciore, tabulatis

tabulatis undique ad propugnaculi speciem communita, vid. *Job. MAGNI Histor. Sueo-Goth. Libr. IX. p. m. 376.* (c) Vid. *SARNICII Annal. Polon. Libr. IV. p. m. 1017.* Hic iterum hæsitantem invenimus *Cl. SCHOETTIGENIUM* in *Dissert. cit. p. 6*, qui nixus auctoritate *PROCOPII* in *Libr. de Bello Gotbico p. m. 498*, *Spororum* nomine non Holmgardos, sed gentem Slavonicam indigitari putat. Verum cum Holmgardi celebri Slavorum titulo quoque fuerint insigniti, ceu modo ostendimus, *Spororum* adpellatio tam levi argumento ipsis derogari nequit. (d) Confr. *STRAHLBERGII Libr. cit. p. m. 169.* (e) Vid. *STRABONIS Geograph. Libr. II. p. m. 186.* (f) Obiter monemus, quod minus probabilis sit sententia *PROCOPII*, qui *Libr. II. Cap. II. §. 3.* *Sporos* ita dictos existimat, quod in diffitis admodum casis ignobilem degerent vitam. Raræ enim & incertæ omnium fere gentium Septentrionalium olim fuerunt habitationes.

§. XIX.

IN genuino etymo veroque *RISALANDIÆ* situ tradendo haud mediocrem reperimus Auctorum inconstantiam. Plerique tamen in eo conveniunt, quod nominis natales sint repetendi a *RISAR* Gigantibus (a), adeo ut *Risalandia* vera Gigantum patria fuerit. Hæc autem opinio difficultatibus nec levibus nec paucis nostro iudicio premitur (b). Commodius itaque deducitur hoc nomen a *HRTSI* vel *RTSI*, quod veteri lingua Gothica *silvam* significabat (c); adeoque *Ryslandia* vel *Risalandia* erit regio vastis densisque abundans silvis: qua quidem notione, nescio, an ulla propius veteris Holmgardiæ faciem exprimat. Situm denique *Risalandia*

luculen-

luculenter ostendunt annales nostri, exhibentes illam ab oriente versus Mare Balticum exporrectam, (d) atque Gardariciæ vicinam, ab hoc tamen regno, ut partem a toto, distinctam (e).

(a) Vid. *MESSENI Scandia Illustrata Tom. XIII. p. m. 18; Cel. BJÖRNERI Sched. de Varegis p. m. 114, 123. &c.* aliosque. (b) Gigantes olim in septentrione habitasse, multaque hic nefaria perpetrasse facinora, haud pauci contendunt Scriptores. Si autem ab illis terram, quam incoluerunt, quæras, tantum animadvertes dissensum, ut ægre invenias locum, quo fessum sigas pedem. Non equidem negamus, fuisse cum alibi, tum etiam in Scandinavia homines proceræ admodum staturæ atque ingentia Virorum roboræ; integram vero ipsorum nationem nusquam reperimus, nisi in tenebricosis forte planetæ *Jovis* regionibus, Vid. *Christian. WOLFFII Astronom. p. m. 438.* Parum etiam nos turbat nomen *Jettaheim*. Si quid enim ad equamur, vocabula *Jettaheim*, *Jettaheim*, *Geteheim*, *Görbeheim*, & *Gotbunheim* litteris aliquantum diversa, sono non magis a se invicem differunt, quam ut hæc diversitas a genio loquendi populorum, varias Svethiæ provincias incolentium, oriri potuerit omnis. (c) Vid. *Herwara Histor. Cap. XVII. p. m. 162.* (d) Confr. *SAMSONAR - FAGRAS Histor. Cap. XIII. p. m. 20.* *Godmundr hiet Konger, þan atti að ræða fyrer Austur af Glæsisvöllum, þat er austur luga fyrer Risalandi. Risaland ligger til Austur af Norðurz af Austurweiginum, b. e.* Rex Gudmundus in oriente Glæsisvöllæ gubernacula administravit. Est hæc vallis orientem versus, sed ante *Risalandia* terram locum sortita. *Risalandia* autem, tam orientalis quam septentrionalis, Mari Baltico alluitur. (e) Has terras distinguunt *Origines Island. Landnema: Þorgil hiet Son þeira, þan atti Elinu Dotter Burissaf Konunga af Gardur Austan af Ingviabargar Syðreir*

ſtir Dagſigt Riſa Kongz i. e. Thorgillus, filius eorum, uxorem habuit Elinu filiam Regis Burilaſi Gardaricienſis atque Ingiabiargæ, quæ Riſalandiæ Regis Dagſtigi ſoror erat,

§. XX.

HUNNOS in tuguriolis & plauſtris ſub pellibus ac dio ævum tranſigentes deprehendimus. A Gothico *Hund cane* nuncupatos fuiſſe *Hunnos*, eo- que nomine vel formam corporis caninæ haud diſſimilem, vel ſaltem veſtitum harum gentium indi- gitatum fuiſſe, multi contendunt Hiſtorici (a). Hæc autem opinio, tacito licet plurium ſeculorum con- ſenſu firmata, jocosa magis, quam vera nobis vi- detur. *Hunnos* igitur a vocabulo Fennico, olim magis quam hodie familiari, *Hunnu equo ſeu equu- lo* (b) primum adpellatos, eo-que vitam degendi rationem horum populorum fuiſſe ſignificatam, modeſte contendimus. Profecto ſicut Græci quon- dam nonnullas gentes ab *Equis* vocarunt *innoba- taz* (c), alias autem *innoroſotaz*, qui ſcilicet pro- be callerent artem equitandi nec non ſagittas ex equis in hoſtes jaculandi (d); ita Holmgardos quo- que ab equis, parvis quidem, ſed admodum perni- cibus (e), nomen *Hunnorum* fuiſſe ſortitos, perquam eſt verosimile. A Græcis Scriptoribus *χοῖνοι* (f), atque Latinis *CHUNI* (g) adpellantur. Hæc de o- rigine nominis dicta ſufficiant. Patriam porro *Hunnorum* in Holmgardicis oris quærendam eſſe, ex difficillimo *STURLOGI* itinere in *Hunalandiam* ſuſcepto evidenter colligi poteſt. Fortiſſimus enim hic

hic Heros ex Norwegia, natali ſolo, novem ſol- vens boream verſus contendit, atque *Halogalandi- am*, *Finmarckiam* & *Wattensnäs* prætervectus, in ſinum *Oſſavik* (b) pervenit. Hinc rursus ſecundis digreſſus ventis, curſum direxit, quo conſtituerat, atque ad terram adpuliſſe, denſis undique ſeptam ſilvis, quam *Sturlogi* comes & amicus *FRADMA- RUS* ex fratris ſui *KOLI* narratione *Hunalandiam* eſſe agnovit (i). Eandem porro terram haud pro- cul a Bjarmia, ad oſtia fluminis *Dvinæ* (*Winæ*) ſita, remotam fuiſſe, ex reditu *Sturlogi* ſatis intelli- gitur (k). Rebus ita conſtitutis, diſſenſum Aucto- rum (l), qui in aliis aliisque *Svethiæ* provin- ciis antiquiſſimas *Hunnorum* ſedes collocant, tanto minus reformidamus, quod noſtram ſententiam non ſolum ſitus regionis, ſicut oſtendimus, verum et- iam Hiſtorici numero multi, auctoritate graves abunde confirment (m). Sequenti tandem tempo- re *Hunnorum* gens ex Holmgardia emigravit, at- que ſedes ſuas juxta Pontum Euxinum conſtituit, indeque per Pannoniam, Italiam, aliasque tam Eu- ropæ, quam Aſiæ terras ſe diffudit (n).

(a) Homines canino capite præditos ſeu *ΚΥΝΟΚΕΦΑ- ΑΟΥΣ* dari, populari fama crediderunt *HERODOTUS* in *Mel- pom.* p. m. 179; *CTESIAS* in *Hiſtor. Indica* p. m. 15; *ADAMUS BREM.* in *libr. de Situ Dania* p. m. 59; *Paulus VARNEFRI- DUS* in *Hiſtoria Longobardorum* p. m. 751, ut alios ſicco prætereamus pede. (b) Vid. *Rev. Ep. JUSLENII Lexicon Fennicum.* (c) Confr. *HERODOTI Terpsichore* p. m. 198. (d) Vid. *HERODOTI Calliope* p. m. 336. Hos *ἱπποβοῶντες* egregie deſcribit *OVIDIUS* in *Triftium libr. V. Eleg. VII. v. 13.* - - 16. C2 *Sarma.*

SARMATICÆ major *GETICÆ*que frequentia gentis

Per medias in *EQUIS* itque reditque vias.

In quibus est nemo, qui non Coryton & arcum

Telaque vipereo lurida felle gerat.

(e) Vid. *HERBERSTEINI* libr. cit. p. m. 41. & *HEIDENSTEINI* libr. de Bello Moschovitico &c. p. m. 409. (f) Μετὰ δὲ Βασιλέων καὶ Ροζολάνων οἱ ΧΟΨΝΟΙ, *PTOLOMÆUS* in *Geogr. Libr. III. Cap. V.* (g) *CLAUDIANUS* in *Eutropium Libr. II. v. 338,*

Si *CHUNUS* feriat, si Sarmata portas.

Et in *Scilichonem Libr. I. v. 110, III,*

Nec vaga *Chunorum* feritas, non falce *Gelonus*;

Non arcu pepulere *Getæ*, non Sarmata conto.

(b) Sinum *Ollsawik* Mare album fuisse, ab adjacente nobilissimo emporio *Holmgård* primum *Holmsföwik*, deinde *Hollsföwik* & denique *Ollsawik* vocatum nervose ostendit *Petr. SALANUS* in *Notis ad Eigilli & Asmundi Histor. p. m. 89.* (i) Vid. *STUR-*

LOGI *Starssamas Historiam editam a Gudmundo Olavi filio Cap. XVI. p. m. 38. & Cap. XVII. p. m. 44.* (k) Vid. cit. *Stur-*

logi Histor. Cap. XVIII. p. m. 49. (l) Magno imprimis ar-

gumentorum adparatu *Hunalandiam* in occidentalibus Sinus *Bothnici* littoribus sitam fuisse pro eo, quo in natale so-

lum flagrabat amore, ostendere nititur *Nob. BJÖRNERUS*

partim in *Dissert. de Suedia Boreali Cap. V. p. m. 19. & 20,* partim etiam in *Descriptione Gotthunheimie p. m. 89. & seqq.*

(m) *HELMOLDUS* in initio *Chronici Slavici*, *Russia*, inquit, etiam *Chunigard* dicitur, eo quod ibi sedes *Hunorum* pri-

ma fuerit. *AMMIANUS MARCELLINUS* in *Histor.* *Hunos* glacialis maris accolæ facit. *HORNIIUS* in libro de *Origine gentis Americana Libr. III. Cap. 4.* *Hunos* cum *Lapponi-*

bus, *Syccis*, *Russisque* eisdem constituit. *MATTHIAS* à *MIECHOVIA* in *Descriptione Moschovia p. m. 209.* tradit *Hun-*

nos *Carelorum* vicinos fuisse; & denique ex *EIGILLI & AS-*

MUNDI Histor. p. m. 1. constat *Hunalandiam* attigisse *Risalan-*

diam. (n) Confr. *Alexandri GIOVANNINI Veronensis Descrip-*
tionem omnium regionum Moschovia Monarcha subjectarum p.
m. 167. Cui addantur *THIDERIKS* of *BÆRN Historia*; alii-
que passim Auctores.

§. XXI.

NOMINI *Holmgardorum* nuperrime evoluto per-
quam affinis est illa adpellatio, qua *RIDGO-*
THI seu *Gotbi Equestres* vocabantur. Gens hæc
admodum celebris olim fuit; proindeque in Scri-
ptis Historicorum sedes non raro mutare coacta:
Danis RidGothos in *Jutiam* transferentibus (a); *Sve-*
corum autem aliis *Smalandiæ* ipsos adserentibus (b),
aliis vero in *Norrlandia* veram ipsorum patriam
collocantibus (c). Cum vero prolixum nimis fo-
ret, argumenta, quibus hæc nituntur opiniones, sin-
gula examinare, illa solum adferemus, quæ ad no-
stram sententiam vindicandam imprimis faciant.
Igitur cum *RidGothiæ* contermina in nostris anna-
libus describatur *Vinlandia* (d), atque per hanc ex
suffragiis Auctorum (e) nostra intelligatur *Finlan-*
dia; extra omnem dubitationis aleam est positum,
RidGothiam veteris *Holmgardiæ* partem constituisse
(f). Quid? Quod Rex *Svethiæ DAGUS SAPIENS*,
injuriam sibi a *RidGothis* illatam ulturus, in ipso-
rum terram exercitum trajecerit; civibus autem
subjugatis telo in *RidGothia* subdole fuerit interfe-
ctus. Hoc vero in *Austurwegia* seu *Holmgardia* con-
tigisse, auctor est *THJODOLPHUS* (g).

(a) Vid. *Thoma BARTHOLINI Antiquitates Danic. Libr.*
II. Cap. 7. p. m. 394. Locum vero ex *OLAVI TRYGGO-*

NIDIS Historia, quem tam ipse, quam Scriptorum Danicorum alii adducunt, non satis integrum & sincerum esse ostendit *Cel. VERELIUS in Notis ad Herwar. Hist. p. m. 121.* (b) Confr. *Laudat. VERELIUM in Notis ad Cap. X. Herwar. Hist.* ubi *RidGothiam* a Goth. *Rid* & *Ryd* casa seu tuguriolo dictam; adeoque *RidGothia* nomen *Smalandia* præ ceteris regni provinciis convenire autumat. (c) Vid. *Nob. BJÖRNERI Dissert. de Suedia Boreali Cap. VI.* atque *Ejusdem Schediasma de Gothunheimia p. m. 53. seqq.* (d) Vid. *PERINGSKJÖLDII Additamenta ad Sturlonidis Heimskringla p. m. 461.* ubi hæc leguntur: *Sigurbur Orm i Auga basdi Jutland ok alla eyar Skaney ok Halland. Hwitserkur basdi Reidgothaland ok thar meth Vinland meth theim landum er thar liggia til.* hoc est: Sigurdus oculo serpentino Jutlandiam nec non omnes insulas Scaniam & Hallandiam obtinuit. Hwitserkerus autem accepit RidGothiam una cum Vinlandia, ceterisque adjacentibus terris. (e) Vide præter multos alios *Anonymi Chronicon Finlandie in Nob. NETTELBLADII Schwedische Bibliotbek. P. 1. p. m. 101.* (f) Vid. *SALANI Not. ad EIGILLI Hist. p. m. 144.* (g) Confr. *STURLONIDIS libr. cit. Tom. 1. p. 22.*

§. XXII.

DE SERKLANDIA antea egimus, illamque duplicem esse simul monuimus (a). De *Europæa* quasdam stricturas, ex propositi nostri tenore nunc addemus. Descendere videtur nomen hoc a *Serk*, quod non solum *tunicam intimam*, sed etiam *loricam* denotat. Commodius tamen, nostro quidem judicio, deducitur hoc vocabulum a Fenn. *Serku*, quod *Consobrinum* significat; quo titulo cum sese frequenter compellarent *Serklandi*, vicini ipsorum hinc

hinc occasionem sunt nacti terram *Serklandiam* cognominandi. Situm porro terræ hujus egregie pandunt annales nostri, indicantes *EIGILLUM* & *HERRAUDUM* primum trajecisse Mare Balticum & deinde post brevem navigationem in *Serklandiam* pervenisse (b). Constat igitur, *Serklandiam* fuisse occidentalem Holmgardiæ provinciam (c), quo nomine postmodum Africa a Scandinavis, licet alio sensu, fuit insignita (d).

(a) Vid. *Dissert. nostram primam de Holmgardia p. 9.* (b) Vid. *EIGILLI & Amundi Hist. p. m. 75.* (c) Confr. *Nob. RHENHJELMI Notæ ad Thorsani. Wikinsonii Hist. p. m. 12.* & *P. SALANI Not. cit. p. m. 154.* (d) Vid. *STURLONIDIS Tom. II. p. m. 60, 68, 236.*

§. XXIII.

Benignam ab æquo Censore veniam nos facile impetraturos speramus, quod disquisitionibus his Etymologicis ac Geographicis ipsum nimio plus detinuerimus; illis certe supersedere nec potuimus nec debuimus. Ex his autem explicatis, duplicem inprimis laboris fructum nunc colligimus, partim quod regiones, quæ positionem in globo nostro toties fere, ac errantes in cælo planetæ, mutare sunt coactæ, fixis suis jam subjiciantur stellis, partim quoque hinc discimus, unde antiquissimi Holmgardiæ cives venerint. Profecto, cum Synonyma Holmgardiæ a nobis hætenus recensita, pleraque Gothicam prodant originem, firmiter admodum concludimus, incolas hujus regni ex Svethia, vagina illa gentium, ortos fuisse. Scilicet primorum Scandi-

Scandinaviæ civium, ex Asia per lacus & flumina Moschoviæ ad septentrionales Europæ partes sese conferentium, pauci omnino prius substiterunt, quam in Scandiam pervenissent (a). Hic autem brevi temporis intervallo & numero & potentia valde aucti, ac præterea ultimæ OTHINI II. voluntati & præcepto de bello Romanis semper inferendo satisfacturi, ad orientales has oras, quamprimum fieri potuit, colonias miserunt, ex quibus prima quasi stamina gentis Holmgardicæ, quæ postmodum floruit, deducere convenit. Non tamen propterea existimamus, vel omnes Holmgardiæ incolas ex sola Scandia, vel, qui ex illa venerint, eodem tempore singulos huc accessisse. Credere enim par est, & Holmgardicam nationem ex diversis, admodum gentibus coaluisse, & colonias Gothicas, quæ boreales inprimis imperii hujus terras occuparunt, variis temporibus e natali solo exiisse. Denique, ne quis suspicetur, nos hæc adstruendo nugas vendere, aut conjecturas omni auctoritate destitutas aliis obtrudere, paucis ostendemus, Scriptores subacti judicii ac probatæ integritatis ad nostras accedere partes, quorum adsurgere testimoniis quemvis decet ingenuum. Hos inter eminent JORNANDES (b), LUITPRANDIUS (c), Herwardi Historia (d) HERBERSTEINIUS (e), Paulus ODERBORNIIUS (f), DON MAURO ORBINI (g), Jacobus REIUFELS (h), Olavus RUDBECKIUS (i), STRAHLENBERG (k) SCARIN (l) BJOERNER (m) aliique (n); quos omnes producere prolixum magis, quam utile foret opus.

(a) Vid.

(a) Vid. Joh. MAGNI Hist. p. m. 28; Cui addatur Cel. BJOERNERI Introductio in Antiquitates Hyperboreo-Gothicas p. m. 35, & alibi. (b) In Libro de Rebus Geisicis Cap. I. & IV, cui consentit SHERINGAM de Origine Anglorum p. m. 148. & 145. (c) Lib. V. Cap. 6, in quo Russos Nordmannia seu Svecia adnumerat. (d) Cap. XVIII. p. m. 167, ubi perhibet auctor hujus Historiæ, Hunnos ad Tanaim ea tempestate habitantes, a Gothis Septentrionalibus seu Holmgardis, Gothorum nostrorum nepotibus, haud ita magno terrarum intervallo abfuisse. (e) Lib. cit. p. m. 2, ubi Rutheni ipsi profitentur, se antiquissimis retro temporibus Wæregorum imperio paruisse. (f) In vita Joh. Basilide p. m. 244. (g) Il Regno degli Slavi p. m. 7. La prima partenza degli Slavi d' ella Scandinavia fu, comme scrive Alberto Kranzio al 2. Cap. della Svecchia, sotto Ottonele Giudice degli Hebrei innanzi i tempi de Re: Percioche costui era immediatamente succeduto a Giose Successore di Moise, l' anno del Mondo 3790, & prima della venuta di Christo 1460. anni, nel qual tempo uscirono della Scandinavia i Gothi & sotto loro ancora gli SLAVI. Haud indigna sunt vagina hac gentium Illustris Viri verba, an vero singulæ circumstantiæ Chronologicae rite sese habeant, dispiciant alii. Nos hinc clare discimus, veteres in illa fuisse opinione, quod Holmgardi natales suos ex Svecchia repetierint. (h) In libro de Rebus Moschoviticis Cap. II. Lib. I. (i) In Atlantica Tom. I. p. m. 439. & Tom. III. p. m. 184, 187, 640. ubi multis ostendit, Principes Svecchiæ Holmgardorum imperio diu præfuisse. Vim argumenti ex origine Principum Holmgardicorum desumi ad nostram stabiliendam opinionem paucis accipe: Principes ex Svecchia orti, soli nunquam, sed numerosis stipati cohortibus ad has oras sunt profecti. Hæ autem legiones Ducem suum non deseruerunt, sed in eadem, qua ipse, regione penates

D

penates suos constituerunt, ibique genus suum propagarunt. (k) *In Lib. cit. p. m. 24.* ubi inter antiquissimos Russiæ incolæ recenset Scythas, Sarmatas, *Waregos* &c. (l) *In egregia aiffert. de Varegorum Originibus p. 8. 20. alibi quo.* (m) *In Introduct. nuper cit. p. m. 151.* ex LUCIANO, sec. II. Scriptore, ostendit linguam, haud ambiguum gentis indicem, per Orientales has Europæ oras quondam fuisse Gothicam. Adde *Ejusdem Schediasma de Varegis passim.* (n) *Confr. Das veränderte Russland p. m. 340.*

§. XXIV.

Quemadmodum præcipua virtus in armis olim ponebatur; ita honestius nihil aut laudabilius Martia illa existimabant secula, quam bello alios fortiter aggredi, ipsorum subito populari terras, atque veteres expellere incolas. Hinc ingentes illæ & plane horrendæ florentissimorum imperiorum mutationes ac everisiones, quarum mentionem sæpius faciunt vetusti annales, in quibus ne nomina quidem regnorum & provinciarum integra semper atque immutata manserunt. Haud opus est, ut tristitia hujus rei exempla e longinquo petamus. Fidem nobis facit vel sola Holmgardia, quæ ut impetus variarum gentium reprimere ac eludere non potuit, ita nec limites ejusdem stabiles admodum fuerunt, sed nova vel incrementa vel decrementa quotannis fere subierunt. Non nostro solum ævo, verum priscis etiam seculis tantæ interdum fuit amplitudinis, ut Estoniam, Careliam, magnam Finlandiæ & Lithuaniam partem, Moesiam, Chersonesum Tauricam, atque alias continue-

tinuerit provincias (a); quandoque autem multis ademptis intra brevem adeo coarctata fuit gyrum, ut regiones tantum Mari albo adjacentes suo ambitu comprehendisse videatur (b). Ut itaque omnibus, quæ ex diversitate temporum oriri possit, ambiguitas tollatur, statim monemus, quod in limitibus Holmgardiæ jam jam definiendis, imperium *Rureci* & hujus proximæ posteritatis respiciamus. Holmgardiæ igitur regnum a Fano S. Arch. angeli trans lacus *Saimen* (c), *Ladogam* (d), *Onegam*, *Peipum* atque *Ilmerum* sese extendisse, ac proinde partem illam Ostrobotniæ, quæ *Cajania* (e) hodie nuncupatur, tum *Savolaxiam*, *Careliam*, *Kexholmiam*, *Ingriam* (f), *Estoniam* & *Curlandiam*, nec non Ducatus *Novogardensem*, *Pleschoviensem* atque *Kioviensem* complexum fuisse, partim ex situ ac indole harum terrarum (g), partim etiam ex testimoniis magni nominis Scriptorum (h) colligimus. Quamvis autem hæc fere fuerint regni Holmgardici pomœria, illis tamen constitutis negatum nonolumus, ea interdum, in Orientem præcipue, amplius patuisse. Præter has enim regiones Regibus quibusdam Gardariciæ parvit *Wulgaria*, quam *JARISLAVUS* affini suo *OLAVO CRASSO*, Norwagiæ Principi, regendam concessit, dum factione civium paterno regno pulsus in Holmgardia delitescere cogebatur (i). Hæc autem terra, ut opinor, fuit regnum *Bulgariæ* ad flumen *Wolgam* situm; frequens quippe est tam apud alias gentes, quam imprimis inter Moschovitas commutatio litterarum *B* & *W* (k).

(a) Vid. REUTERFELSI Libr. cit. p. m. 257. (b) *Petrus GLAUDI Filius in descriptione Norwagia, Holmgardiam veteris Careliae partem tantum fuisse, Finlandiaeque olim paruisse adserit, quam vero sententiam defendendam suo relinquitur Auctori.* (c) Θυσσαρῆες (nostris *Thussar* dictos) Ἰνδοὶ πολλοὶ καὶ ἰδιοὶ, ἔδωκεν ἀπὸ τῆς *Herod.* p. m. 144, in littoribus *Saimen* nec non reliquarum Careliae & Savolaxiae paludum olim habitasse autumat *RUDBECKIUS* in *Atl.* Tom. I. p. m. 430. (d) Hic lacus Russis hodie dicitur *Ladesko-Ozero*, estque lacuum Russiae facile amplissimus. Circa hunc sedes suas Herodoti aeo habuisse *Μελαγχλάδας*, ἄλλο ἔδωκεν καὶ οὐ Σκυθικὸν opinatur *Rudbeck* in *Atl.* T. I. p. 427. (e) KUENLANDIAM seu Terram feminarum atque Patriam Amazonum ex Asia in Europam immigrantium in regionibus ad plagam Septentrionalem sitis esse querendam, haud immerito contendunt periti antiquitatum aestimatores. Colligi hoc potest cum ex *Paulo DIACONO* in *Historia de Rebus gestis Longobardorum* Libr. I. Cap. 15, ubi adfirmat, se ex quibusdam borealibus audivisse, *Amazonas*, gentem feminarum, usque hodie (vixit autem circa initium seculi IX) in intimis Germaniae seu Svethiae finibus existere; tum etiam ex *ADAMO BREMENSI*, Seculi XI Scriptore, in *Histor. Eccles. Regnorum Septentrionalium* Libr. III. p. m. 37. atque libro de situ *Daniae* &c. p. m. 59. Hinc in vetustis monumentis occurrit non solum *Kuenland*, sed & *KUENA-HJERAD* seu territorium feminarum ita nuncupatum, quod a nullis habitatum praeter viduas & virgines, confr. *Sagan om Kong ALF och hans hjeltar* Cap. IV. p. m. 5. Inter Septentrionis porro provincias vix ulla est, cui *Kuenlandia* nomen & situs magis conveniunt, quam hodiernae *Cajania*. Agnovit hoc pridem *MESSENIUS* in *Scand. Illustr.* Tom. XIII. p. m. 16; ipsique adstipulantur multi Historici. Sententiam hanc egregie confirmat etymologia vocis

eis *Cajania*; ortae a Fennico vocabulo *Cainu*, quod verecundum & pudicum significat. Hinc *Ostrobothnia Cainunna*. Terra pudicorum, & incolae hujus provinciae *Cainulaifet pudici* a nonnullis Fenniae populis etiamnum vocantur; Vid. *P. M. MATHESII Dissertationem de Ostrobothnia Upsalia 1734 habitam* p. m. 4. Deinceps nomen istud ab heroicis his viragibus, hastas, tela & equos magis, quam molles adolescentum amplexus curantibus ad sequentes colonos transmissum videtur. Extendebatur autem vetus *Kuenlandia* a Mari albo & ostiis *Dvinae* fluminis, olim *Quena-flo* dictae vid. *Rudb. Atlantica* T. I. p. m. 800, usque ad *Curlandiam*. Hinc quoque *KUENI* & *Curlandi* in *Historiola de Norma Gestis* p. m. 16. pro vicinis habentur. (f) Hujus regionis incolae sunt illi, quos *PTOLOMÆUS* Ἰνγραιῶνες; *TACITUS* *Ingevones*, atque *PLINIUS* clarioris fama gentem *Ingevoniū* appellat. Circa nomen *Ingria* breviter monemus, illud Gothicum esse, cum *Inguemania* vel *Inglingalandia* vocabulo; terram uberem ac exultantem denotante, coincidens. (g) Marchionum Svethicorum potestas, cum non admodum magna fuerit, provinciis ita sitis a suis praesidebantur supremis Regibus, ut pauci in illis invadentium hostium impetum vel eludere vel saltem aliquamdiu retardare possent. Per totum autem orientem terras commodius positas fiduciariis suis Principibus assignare non potuerunt Reges Upsalienses, quam *Holmgardiam*, utpote lacuum memoratorum insulas comprehendentem, adeoque furori Barbarorum fere imperviam. Hanc proinde respexisse videtur *Nob. OERNHJELMIUS*, cum in *Vita Ponti DELAGARDIE* p. m. 30. de regno Svecorum loquitur, quod, tanquam murum, habitandi fors objecerit immanitati & crudelitati Ruthenorum. Confr. *Ejusdem Histor. Svec. Goth. Ecclesiast. Libr. IV. p. m. 584.* (h) Descriptioni huic album addit calculum *Petrus DÜKMAN* in suis ad *Historiam Ecclesiasticam Annotationibus*

nibus p. m. 17. *Holmgert, Holmgardian* in Landstræt bakom
Eistland och Ingermanland, up. emot Ladoga-Sjön och Pei-
pus, derest staden *Aldejoborg*, de Holmgardiske Konungars
fordna residence warit, och det i derunder hörande Land
Holmgarda-Land kallat, dit som *HALEDAN* den Gamla re-
ste, at eiga *ALFRIO* Doktor *EHKINDA* Kongs och Holmgardi, det
är, at äckta Alfrio Kong Eivindas Dotter från Holmgård,
Huie pollicem premit *Nob. STRAHLENBERG* in libr. cit. p.
m. 55. Die Eistländer bemärcken unter *ULIMA* dasjenige
Land, was ihnen in Osten lieget als *Pleskau, Petzur* und
Novogorod. Et paucis interjectis: So ist das rechte *Ulimar-
ugia* (oder kurtz gesprochen) *Ulimarugien* zwischen den
Ladoga- und Peibus-See, und nicht in Preussen gewe-
sen, wie *Joh. MAGNUS* und andere mit ihm vermeinen. Ab
his Duumviris non multum recedunt *ADAMUS BREM.* in
Libr. de Situ Dan. p. m. 59. *Rodericus TOLETANUS* de Rebus
Hispanicis l. 12. atque *BJÖRNER de Varegis* p. m. 131; Hi-
quippe refert Holmgardiam versas occidentem lacubus, *Lar-
dogenfi & Onegenfi*, ab oriente fluvio *Vaga*, qui se in *Dvinam*
exonerat, ortumque trahit haud procul a *Bjalo-Ozero* &
palude vel fluvio *Badogenfi*, fuisse terminatam. Eleganter
denique describitur Holmgardiæ amplitudo in *Schwedische*
Deduction, quam nobis conservavit Auctor libri *Dan verän-
derte Rusland* p. m. 341. Die Schwedische Fürsten haben
damalen an ihren dieser Seite der Ost-See aufgerichteten
Sitz noch beständig inne gehabt, und solches regiment in
der alten Landes-Sprache unter dem Nahmen *Hollugorda-
Ryke* eine lange zeit bekannt gewesen, auch sich über Eist-
land, Ingermanland und Carlen und noch weiter in Russ-
land hinein ausgebreitet, dafs also diese Länder damahlen
nur Schweden alleine unterworfen gewesen. (i) Vid. *STUR-
LONDIS* Tom. 1. p. m. 745. Vel, si vacet, *Chronicon Norwagi-
cum* a *Joh. RUGMAN* editum p. m. 122. (k) Confr. Prafa-
tionem *HERBERSTEINII* ad libr. cit.

Limitibus Holmgardiæ sic definitis, ad urbes ejusdem nos conferimus, quas certe non minus validas atque inclytas in hoc, quam in quocunque alio Septentrionis regno reperimus. Inter has autem civitates & vetustatis laude & rerum memorabilium celebritate primum sibi facile locum vindicat *ALDEJOBURGUM*, quod diversis olim insignitum fuit nominibus. Antiquissima adpellatio videtur *Ladoga* (a), postmodum *Aldeiga* (b), & denique *Aldejoburgum* in nostris dicitur annalibus. Ab exteris Scriptoribus modo *Aldeicum* (c), modo *Altenburgum* (d) & veteri Lingva Slavonica *Starogard* non raro nominatur. Situm erat hoc oppidum juxta lacum Ladogam, & quidem haud procul ab illo loco, cui perquam verosimile est, ubi in fluvium Nevam tumidas undas exonerat modo memoratus lacus (e). Quo primum tempore, aut ejus Principis auspiciis sit constructum, in maxima illa, qua circa res, quæ primis post N. Cæsaribus in Holmgardia contigerunt, hodie laboramus documentorum inopia, certi quid determinare non audemus. Fonte vel ab *OTHINO II* vel etiam hujus filio *Sigurlamo* prima civitatis nostræ fundamenta sunt jacta. Quicquid sit, certissime compertum habemus, quod a Waregis duce *Rureco* ad has terras adpellentibus non fuerit fundata, siquidem ante illud tempus admodum floruit *STURLOGI* enim avo, qui circa medium seculi II vixit (f), sedem imperii in hac urbe sibi constituerant.

tuerant Reges Holmgardici (g). Proxime etiam ante *Hvitserkeri* ætatem, *OSTENUS Sigurdi Ringi* filius, Norwagiæ Rex, mortua conjugē, quam impense dilexerat, dolorem, quem domi minuere non poterat, inter armorum strepitus in longinquis terris levaturus, *Miklagardiani* proficiscitur; indeque reversus *Aldejoburgum* navibus suis noctu divertit, quod confestim arctissima cingit obsidione, civibusque alto adhuc sopore oppressis, muros conscendit, partem illorum demolitur, atque post ancipitem pugnam urbem hanc in suam redigit potestatem (h). Ut *Rurecus* in Gardariciam accessit, cum alibi, tum inprimis *Aldejoburgi* commorari solebat (c). Nurus autem ejus *ALOGIA*, quæ diu imperii Holmgardici gubernacula tractavit, urbem hanc operibus & splendidis ædificiis auxit, auctamque ex suo nomine *Alogia-borg* vel *Aldejoburgum*, ceu nonnulli opinantur Scriptores (k), cognominandam curavit. Hoc porro oppidum Principibus Scandinavicis, cum vel propter internos motus atque civiles discordias, vel alias quascunque causas, haud facile detegendas, avita regna relinquere cogebantur, gratissimum atque tutissimum præbuit azylum. *SIGURDUS KARLSHUFWUD*, *Erici Bjodaskalles filius*, Norwagiæ Princeps, *Aldejoburgi* splendide habitus, atque tantæ apud Regem Holmgardiæ *WALDEMARUM I* dignationis fuit, ut non solum ingentibus feudis donaretur, sed etiam dirimendis litibus ad Regem devolutis præficeretur, quæsturaque reddituum ex universis regni provin-

provinciis ejus fidei committeretur. Paucis: auctoritate & imperio proximus a Rege erat (l). Quid igitur mirum, si hujus Sororis *ASTRIDIS* filius, *OLAVUS TRYGGONIDES*, qui post varios casus in Estonia ab avunculo suo fuerat inventus, in aula Holmgardica pro generis sui ratione perquam liberaliter sit educatus? Dignus omnino erat tantis beneficiis eximius hic Norwagiæ Princeps; sed valde iniqua fuerunt fata, quæ illius causa sustinuit *Aldejoburgum*. Paulo enim post *ERICUS Haquini* filius, Norwagiæ Jarlus, idemque acerrimus *Olavi* hostis, qui satis intelligebat, se sceptrum Norwagicum, quod nefariis occupaverat artibus, tranquille non fore possessurum, nisi legitimum hunc imperii heredem ac strenuum æmulum e medio sustulisset, per quinque admodum annos Holmgardiam vastavit, nec prius furere destitit, quam *Aldejoburgum*, post gravissimam obsidionem expugnatum, funditus delevisset (m). Verum haud ita multo post ex tristi ruina & fumantibus adhuc favillis suscitata fuit hæc civitas, atque pristino nitore reddita. Etenim una cum adjacente provincia concedebatur *INGIERDI*, *Olavi Skottkonungii* filix; Principe hæc a Sponso *JARISLAVO* dotem istam sibi præstolante (n). *Aldejoburgi* etiam securitatem & multa insuper beneficia consecutus est *OLAVUS CRASSUS*, cum inimici mari & terra illum insectabantur (o). In hac denique urbe apud Avum Maternum, *RAGNVALDUM Ulfsonium*, Jarlum *Aldejoburgensem*, optimam educationem nactus est *INGE*, *Sten-*

Stenkälli filius, *Svethiæ* Princeps (p). Sequenti autem tempore, cum Sveci, mutuis defatigati odiis, conveteris antea in orientales has terras excursionibus vacare non possent, *Aldejoburgi* nomen in monumentis nostris sensim sensimque obsolevit. Novimus tamen, quod cum Tattari circa initium sæculi XII *Holmgardiam* catervatim invaderent, atque caedibus & rapinis omnia scelerarent loca, *Aldejoburgum* vehementer fuerit concussus; ex qua tamen calamitate adhuc emerisit. Postquam autem bellum inter *Svethiæ* Regem, *MAGNUM*, *Eriki* filium, vulgo *Smek* cognominatum, atque Principem *Novogardensem*, *GEORGIUM DANIELO WITZIUM*, circa An. 1348 esset constatum, & Sveci in illo non satis prudenter & alacriter res suas agerent, sed per *Wodkayen*, partem *Ingræ*, quæ *Wodskipetin* postmodum adpellata fuit, dispalarentur, a *Ruthenorum* Principe tanto successu lacessabantur, ut quingenti illorum uno impetu fuerint trucidati, atque *Aldejoburgum*, quod Svecorum receperat præsidia, solo æquatum; ex quo cinere nobile hoc oppidum deinde caput suum nunquam extulit (q).

(a) Vid. *STRAHLÉNBERGI Libr. cit. p. m. 97 & 191.* item *REUTENFELSI Libr. cit. p. m. 16.* (b) Confr. *HALF-DANI Ostenidis Historiam Cap. II. § IV.* (c) Vid. *DIONYSII PERIEGETÆ Descript. Orbis v. 314 &c.* Illic quoque *ALDESCI* & *Panticapæ* aquæ *Riphæis* in montibus separatim murmurant. Horum item juxta gurgites *Glaciale* prope mare jucundo nitore lucens electrum nascitur. (d) Confr. *HELMOLDI Chronicon Slavorum p. m. 33.* Hoc autem oppidum non est confundendum cum alio *Alteburgo* seu

Palao-

Palao-tyrge in *Misnia.* (e) Vid. *Joh. HELSINGII differe. de Originibus prisca gentis Varegorum p. m. 66.* (f) Vid. *BJÖRNERI Descriptionem Gothunheimie p. m. 77,* aliosque *Antiquarios.* (g) Vid. cit. *Sturlogi Histor. p. m. 66.* (h) Confr. *Halssani Ostenidis Histor. Cap. cit.* (i) Vid. *DURET dans son Tresor des langues de cet Univers p. m. 864.* (k) Vid. *DÜK-MANNI Annos ad Histor. Eccl. p. m. 135.* Magis tamen verisimilem putamus illorum sententiam, qui existimant urbem hanc ab adjacentre lacu *Ladoga* nomen accepisse. Est enim, nisi admodum fallimur, *Ladoga* ille Lacus, qui in *Edda* inter maria relatus, *ALDA* dicitur; quo posito, *Aldejoburgum* denotat oppidum lacui *Alde* vel *Ladoga* vicinum. Vid. *RÜDBECKII Act. Tom. I. p. m. 660.* (l) Vid. *ODDE MÜNCKS Histor. p. m. 16 & 17.* (m) Vid. *STURL. T. I. p. m. 318.* (n) Confr. *STURL. T. I. p. m. 516.* (o) Vid. *STURL. T. I. p. m. 733.* (p) Vid. *Nob. DALINI Historie Svecanæ Tom. II. p. m. 23.* (q) Vid. *Nob. DALINI Tom. cit. p. m. 491.*

XXVI.

IN rerum perquam diversarum consideratione occupatos *Aldejoburgi* palatia diu tenuerunt; ut alio iter nostrum nunc dirigamus, peregrinationis susceptæ ratio postulat. *HOLMGARDIAM* proinde, hodierna dialecto *CHOLMCGOROD* dictam, urbem post *Aldejoburgum* in antiquis monumentis maxime insignem, nos convertimus. Hæc ad littora *Maris albi*, ubi flumen *Dvina* in subjectum mare sese præcipitat, & quidem non longe a *Rano S. Archangeli* sita est, cum quo a nonnullis, licet perperam, confunditur. Spissam caliginem, quæ originem hujus civitatis involvit, nec alii dissipare

E 2

tenta-

tentarunt, nec ipsi, quantam demum cunque impendimus curam, dispellere potuimus. In vetustissimis nostris annalibus non tenuem & angustam, ut pleræque aliæ urbes, sed celebrem & amplam sese ubique conspiciendam præbet; certissimo indicio, illam præcipua Holmgardiæ oppida ætate, si non superet, saltem æquiparare. *Holmgardiam* metropolin suam constituerunt Holmgardici Reges (a), inprimis postquam habitationem *Aldejoburgi* minus commodam & tutam reddiderant Principes, per orientis maria piraticam quotannis exercentes. Illustribus porro Viris, instabilis fortunæ tempestatibus jactatis, gratissimum præbuit hospitium *Holmgardia*; a quibus etiam splendorem & famam est mutuata. In hac enim educatus fuit *Olavi Crassi* filius, *MAGNUS BONUS* adpellatus, interea dum Pater regnum Norwagiæ in suam redigere potestatem conabatur. Immo, cum Norwagi, ad meliorem reducti frugem, occasionem tandem arripuissent, jugum servitutis, quod *SPENO*, Daniæ Regis *Horda-Canati* frater, injusto modo ipsis imposuerat, excutiendi, Norwagici Duces, *EINARUS TAMBA-SCELFURIUS* atque *KALFURIUS Arnonis* filius, *Holmgardiam* sunt profecti, ut principem hunc domum revocarent (b); qui etiam horum sollicitationibus motus, atque Gardaricianis stipatus copiis, *Holmgardiam* relinquens, paternum recuperavit imperium. (c). Post hujus discessum in memorata urbe benigne adeo fuit exceptus *HARALDUS HÅRD-RADE*, minimus natus filiorum *SIGURDI STR*, ut

Marchio

Marchio *Holmgardicus* constitueretur (d). Quæ porro, siue lata, siue sinistra fata diversis temporibus subierit hoc oppidum in alto Historicorum silentio rite exponere, arduum nimis foret opus. Attamen cum bellicosissimi Principes *Bjarmiam* (e) ceterasque *Holmgardiæ* adjacentes regiones classibus sæpius petierint, de mitiori aut tranquilliori sorte sibi vix gratulari potuit, quam *Aldejoburgum*. Nec dubitamus, quin in horrenda rerum omnium per *Holmgardiam* conversione, Tattaris irrupentibus facta, urbs hæc, gelidis licet Trionibus subjecta, communem senserit calamitatem; ceteris autem civitatibus in suo pulvere jacentibus, præfractas nostra hand ita multo post extulit cristas, subita incrementa promoventibus commerciis. Notandum scilicet est, quod ob commodum situm atque mercium, inprimis pellium pretiosarum abundantiam densæ exterorum classes portum *Holmgardiæ* quotannis intrare siveverint (f); his autem alio se convertentibus, decrementsa hujus oppidi haud lento pede sunt insecuta (g). Ab hac porro urbe nomen accepisse videtur tota circumjacens provincia; quam enim nonnulli Geographi *Dvinensem*, licet minus recte, adpellitant, Rutheni *Cholmogorodensem* seu *Holmgardensem* regionem nuncupant (h). Recentem denique urbis *Holmgardiæ* statum exponere ad nos, antiqua tantum nunc curantes, non attinet.

(a) Vid. *Historiam Vilkinensium* p. m. 114. (b) Confr. *STURL.* Tom. I. p. m. 829. (c) Vid. *STURL.* Tom. II. in Vita

Vita Magni Boni passim. (d) Vid. *MURLON. T. II. p. m. 74.* (e) *Bjarmiam* seu *Bjarmianlandiam* in his oris fuisse, multis argumentis dudum ostenderunt alii. Nomen hoc descendit a Gothicis vocabulis *Bjarg* monte, *Ma* seu *Mer* palude & *Land* terra, adeoque *Bjarmianlandia* denotat regionem excelsis montibus & aquarum collectionibus frequentem; quæ derivatio adprime convenit cum descriptione *Bjarmia* ab *OLAVO MAGNO* tradita. (f) Confr. *CLEMENTIS ADAMI Libr. de Anglorum Navigatione ad Moschovitas p. m. 151, & REUTENFELSI Libr. cit. p. m. 274*; Cholmogorod, inquit, non agrorum cultu, sed piscium abundantia & mercatorum comæantium frequentia censetur (g). Indolem urbis hujus, qualis scilicet circa initium superioris seculi fuit, sic describit *Petr. PETREJUS in Chronici Moschovitici Libr. I. p. m. 51*: Cholmogorod är en temmelig stor Stad och Slott, doch intet synnerligen fast; det är måst förfallit &c. (b) Vid. *STRAHLENBERGI Libr. cit. p. m. 192*; cui addatur *Paul. JOVIUS Libr. cit. p. m. 151.*

§. XXVII.

Sive ætatem sive opulentiam spectemus, modo memoratis civitatibus parum cedit *KIOVIA*, quam a Principe quodam Ruthenorum *KIEW* dicto circa An. C. 492 (a), vel, ut aliis placet, An. 800 (b) exstructam atque cognominatam fuisse quidam arbitrantur. Enimvero longe adeo ante hæc tempora existit, ut *OTHINI II.* etiam ævo sibruisse videatur (c). Hanc a memorato Principe instauratam sequentes Holmgardici Reges sua præsentia & commemoratione illustrarunt; & postquam ipsi provincias inter filios suos distribuere cœperant, major natu

plerum-

plerumque *Kioviam* obtinuit. Principes hujus civitatis a *Varegis* orti atque Regibus Upsaliensibus fiduciario jure subjecti perhibentur: quibus vero per Europam arma sua circumferentibus, illi oblatam sibi occasionem arripuerunt, Svecorum imperio sese subducendi. Quamobrem etiam *Rurecus*, ut in Holmgardia res constituerat, *Kioviam* advolat, atque urbem ferocem & opibus elatam ad officium redire armis compellit. Dicitur autem hæc urbs modo *CHIVE* (d), modo iterum *CHUE* (e) seu *Chuoise*; quæ posteriora nomina Ostiakorum lingua denotant *celebrem* quandam *sedem* (f). Urbem hanc magnificam & plane regiam olim fuisse, ipsæ civitatis ruinæ & monumenta, quæ in ruderibus cernuntur, luculenter declarant. Profecto vel solas Cryptas Kiovienses, Dædalicum illud opus, non satis admirari possunt, qui hanc adeunt urbem. In his notari præcipue meretur mons cavernis ingentibus, ab arte ne, an vero a natura elaboratis dubium, inclytus, in quo *S. Helena* seu *Alogia*, *B. Joannis Monachi*, aliorumque virorum illustrium cadavera integra, & quasi adhuc spirantia videntur (g).

(a) Vid. *STRAHLENBERGI Libr. cit. p. m. 172.* (b) Vid. *GOMERUM* citatum *REUTENFELSIO Libr. nomin. p. m. 17.* (c) Ætas hujus urbis quodammodo colligi potest ex templo *S. Basilii*, in quo cernuntur inscriptiones quadam Græcæ, ante 1500 annos marmori insculptæ, sed nunc vetustate tantum non plane abrahe. (d) Vid. *ADAMI BREM. Histor. Eccl. Libr. II. Cap. XIII. p. m. 19*; *Ruszia metropolis*

polis est civitas *CHIVE*, æmula sceptri Constantinopolitani; amplissimum decus Græciæ i. e. Holmgardiæ. (e) Confr. *Incerti Auctoris Chron. Schlav. Cap. II.* Chunigardiæ metropolis est *CHUE* i. e. *Coge*, nescitur a quibus Doctoribus sit conversa. (f) Hinc locus, in quo Usbekenis Princeps castra metiri & aliquamdiu commorari solet, *Chive* adpellatur, confr. *Das veränderte Russland p. m. 16.* (g) De his copiose differit *Joh. HERBINUS in libro de Religiosis Cryptis Kioviensibus.*

§. XXVIII.

Injuriis temporum ac crebris barbarorum insultibus ita restitit *NOVOGARDIA*, celebris Holmgardiæ civitas, ut inter crepitantes undique calamitates splendorem & potentiam auxerit potius, quam amiserit. Ætatem & originem ejus si quis quærat, statim fatemur, eandem, licet incognitam, *Rureci* tamen tempora aliquot seculis antecedere. Annales enim seculi VI loquuntur de *NOVA URBE* quadam, intra Holmgardiæ pomœria sita (a); quæ proinde *Novogardiam*, nisi fallimur, indigitant. Nomen civitatis plane est Gothicum (*NYGÅRD*), quamvis ex genio lingvæ Ruthenicæ paulisper fuerit mutatum. Nec mirum, hunc esse nominis ortum; ipsi enim profitentur Moschovitæ, primos urbis hujus incolas ex Varegia venisse (b). Præterea notandum est, quod *Novogardia* primariorum Holmgardiæ Ducum regia diutissime fuerit, maximamque inter ceteras urbes habuerit dignitatem propter incredibilem ædificiorum numerum, latissimi, & piscibus abundantis lacus Ilmen oportunitatem

tatem, & denique ob vetustissimi templi celebritatem, quod a Regina *SOPHIA*, æmulatione imperatorum Byzantinorum exstructum, atque Christo Salvatore dicatum fuit (c). Quid? Quod cives ejus tantæ olim fuerint potentia & auctoritatis, ut ad ipsorum decreta reliquæ fere omnes Holmgardiæ civitates sese componerent, Principesque, qui toti præessent imperio, ex arbitrio suo sæpe constituerent; arroganter proinde prædicantes: Quis contra DEum & Magnam Novogardiam. Inter Hanseaticas civitates haud ultimum nostra obtinuit locum. Ad hoc enim emporium plurimæ gentes tam ex Germania, quam ex Svethia per aliquot secula usque ad An. 1477 confluere siveverunt (d); post quod vero tempus Sveci tantum & Lubecenses liberam in illa mercandi facultatem retinuerunt (e). Ex hac denique urbe multi illustres Viri prodierunt, quorum eximiis meritis sicut salutem & florem debent Holmgardi, ita debito honore a nobis postmodum erunt nominandi.

(a) *JORNANDES libr. cit. p. m. 613 & 635.* (b) Vid. *HELDENSTENI libr. cit. p. m. 332.* (c) Confr. *Paul. JOVII libr. cit. p. m. 125.* (d) Vid. *Memoires sur le commerce des Hollandois An. 1718.* (e) Vid. *REUTENFELSI libr. cit. p. m. 261.*

§. XXIX.

PRæter amplissimas illas Holmgardiæ civitates, quarum fata in antecedentibus paragraphis breviter exposuimus, supersunt adhuc aliæ non minus antiquæ, sed quarum memoria nunc ita est obsoleta, ut nihil fere illarum ad nostra tempora transmiserit fortunæ varietas, præter sola nomina,

F eademque

eademque valde mutata. Inter has, si ætatem spectemus, eminet *ROTULA*, quæ, modo annalium nostrorum fides in hoc puncto sibi constat, diu ante N. C. ita floruit, ut Reges illius cum Sveonibus bella subinde gesserint (a). Situm fuisse hoc oppidum in australibus Holmgardiæ provinciis tanto minus est dubitandum, quod in Livonia sit terrarum quidam tractus, *Rotalia* quondam adpellatus, qui urbem quoque cognominem habuit (b). Immo computatis circumstantiis hæc *Rotula* eadem esse videtur cum illa *Rotala*, quam una cum *Peliscæ*, *Audunoque*, ductu & auspicio Regis *FROTHONIS*, diripuerunt Dani (c), & Tattari tandem solo æquarunt. Fuit etiam *KJÆNUGARDIA* oppidum Holmgardiæ haud ignobile; suis quippe olim splendidum regulis (d). Quoniam *Kjæmugardiæ* nomen a *Kuengardiæ* parum differt, faciles credimus, hac adpellatione veterem urbem *Cajaniam* indigitari (e). An ad hanc quoque civitatem pertinuerit firmissimum illud Castellum, quod in Svethia Frigida haud procul a Mari Kyrialandiæ situm fuisse annales nostri perhibent (f), & quidem in loco, ubi flumen insignis amplitudinis & rapiditatis in mare tumidas undas evomit, definire non audemus. Conveniunt quidem inter se propugnaculi hujus & *Cajanie*, ad impetuosissimum flumen *Koirwukoski* positæ, situs; sed idem in multas quoque alias septentrionis urbes pari jure quadrat. Edocemur præterea, plura olim aggeribus & muris cincta oppida prope castellum modo dictum fuisse (g); quorum tamen nec nomina, nedum fata explicari potuimus.

In

In orientali autem Holmgardiæ parte reperimus *ALFSBURGUM*, oppidum egregie munitum, quod suis olim gavisum fuit Principibus. Expugnatio *Aldejoburgi* ab *OSTENO Sigurdi* filio facta, *Alfsburgum* una involvit calamitate (h). Ab hoc autem diversa videtur Gardariciæ civitas, *ALFHEM* dicta, quæ a Tattaris Holmgardiani populantibus, funditus fuit eversa. Mentionem denique faciunt Historiæ antiquæ propugnaculorum a Regibus Svethiæ in Holmgardia pridem exstructorum. Inprimis celebrantur munimenta, quæ ex cespite & saxi conficienda curavit *ERICUS Emundi* Filius, vulgo *Wäderbatt* dictus (i); ad quæ tamen nec *Aldejoburgum*, nec cetera modo memorata Holmgardiæ oppida esse referenda, firmiter contendimus, cum hæc longe majorem sapiant ætatem, quam quæ temporibus Laudati Regis conveniat. In parœcia *Sordawalla*, uti accepi, ad lacum *Ladogam* conspicitur quidem adhuc exiguum munimentum, sed temporis injuriâ fere collapsum, atque inter parœcias *Sordawallam* & *Jakimwaram* in excelso monte pagi *Otzois* majus quoddam propugnaculum reperitur. Utrumque autem horum recentius opus esse videtur, saltem istud non attingit ævum, quo vixit modo memoratus Svethiæ Princeps. Aggeres proinde *Emundssonii* ita dudum corruisse existimamus, ut ne vola quidem aut vestigium illorum amplius supersit. Sed molesto itinere fessi vela tractationis paulisper contrahimus; brevi tamen, secundis utinam ventis, iterum explicanda.

(a) Vid. *Descriptionem regni Moschovitici Noribergæ An.*

1687 editam. (b) Vid. *Thoma HJÆRNE Descriptionem Livoniae Ms. cit. a Nob. STRAHLENBERG in libr. nomin. p. m. 192.*
 (c) Vid. *MESSENI Scand. Ill. Tom. I. p. m. 30.* Nominanda denique, vel potius ideo non reticenda est *ROTALA*, quod Sveci tempore *JOHANNIS, Swerckeri filii*, prope hanc ab *Holmgardis* victi fuerint, Vid. *DALINI Histor. cit. Tom. II. p. m. 181.*
 (d) Vid. *GOTHRICI & ROLFI Histor. Cap. IV. p. m. 26;* atque *Cel. VERELIUM in Notis ad eandem Histor. p. m. 31.* (e) *Cel. BJÖRNER de Varegis p. m. 118* *Kianugardiam* eandem plane esse cum hodierna *Kymenegardia* autumat; a quo tamen modeste dissentimus, præsertim cum aliud svadeant & borealis oppidi situs & convenientia nominum *Kianugardia* & *Kuengardia.* (f) Vid. *Halfdani Ostenidis Histor. p. m. 32 & 36.* (g) Vid. *cit. Halfdani Histor. p. m. 56.* (h) Vid. *Halfdani cit. Hist. p. m. 13.* (i) Confr. *STURL, T. I. p. m. 484.*

FRATER DILECTISSIME.

Cum, Frater dilectissime, litteris Ill. Nonarum Aprilis, ad me, Fratrem Tuum natu minorem & unicum, Borgox jam studiorum causa diverfantem, datis, inter alia familiariter & amice scripta, significasti, Te, quem desiderium sciendi sacris licet initiatum, denuo Aboam duxisse novimus, jam in eo esse, ut tela in arcem Præclarissimi Præsidis Tui immissa retundendo, specimen ederes publicum, regiaeque, qua ad Parnassum panditur aditus, te committeres via. Cognitis hisce novis, eo equidem majori perfundebar lætitia, quo arctiori Summum Numen nos esse voluit conjunctos sanguinis vinculo: quoque certius mihi constat, Te, Frater optime, omnia, quæ Frater Fratris debet, erga me, sincero ductum amore, ex asse explevisse officia. Quæ autem præterea hac occasione mearum esse partium sensi, tenuitas virium solis omnino votis absolvere jubet. Horum summa erit, velit Summus Benignissimusque DEus & his & aliis honestissimis conaminibus Tuis clementissime adesse, faustumque & felicem illis largiri successum, ut in sanctissimi sui nominis vergant gloriam, Ecclesiæ Christi, cujus ministerio Te consecrasti, commodum, Parentumque nostrorum carissimorum atque cognatorum gaudium. Hæc ex intimo pectore gratulabundus misit Fratri suo dilectissimo

Borgox, XVIII. Calend. Maji

MDCCCLIX.

ARON LIMATIUS, filius.

ms.
a
A
O.
fi
O.
N.
fe-
um
H-
VII
ru-
A-
ro-
br.
Co-
nic
id.
85.

Suecia
antiquitates

